



Broj: 05/1-50-13-26-42-5/18  
Sarajevo, 22. 2. 2018. godine

## IZVJEŠTAJ

### **sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Državne agencije za istrage i zaštitu**

Sastanak je održan 29.1.2017., s početkom u 10 sati, u prostorijama Državne agencije za istrage i zaštitu u Sarajevu. Prisustvovali su: Perica Stanić, direktor Državne agencije za istrage i zaštitu, Đuro Knežević, zamjenik direktora Državne agencije za istrage i zaštitu, Mato Jozić, drugi zamjenik predsjednice Nezavisnog odbora, Adisa Begić i Vladimir Jurišić, članovi Nezavisnog odbora, te Ivana Lovrić, sekretar Nezavisnog odbora.

Direktor Državne agencije za istrage i zaštitu Perica Stanić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Mato Jozić, prvi zamjenik predsjednice Nezavisnog odbora, ukratko je obrazložio razlog posjete. Reкао je da je posjeta organizirana u skladu sa zaključkom s 40. sjednice Nezavisnog odbora i redovnim planskim aktivnostima Nezavisnog odbora, s ciljem održavanja kontinuiteta saradnje s policijskim agencijama iz svoje nadležnosti.

Rukovodstvo Državne agencije za istrage i zaštitu na početku je istaklo da su ključna dva dokumenta koja se odnose na rad Državne agencije za istrage i zaštitu, Zakon o Državnoj agenciji za istrage i zaštitu i Zakon o policijskim službenicima BiH, u proceduri. Kada je riječ o Zakonu o Državnoj agenciji za istrage i zaštitu naglasili su da je Zakon prošao Vijeće ministara BiH i upućen je u parlamentarnu proceduru.

Najbitnija izmjena koja je predviđena u novom zakonu je formiranje Odjela za borbu protiv terorizma koji je do sada bio Odsjek. Također, donošenjem novog Zakona o Državnoj agenciji za istrage i zaštitu na snagu stupa i novi pravilnik o unutrašnjoj organizaciji i sistematizaciji radnih mjesta kojim bi se smanjio broj državnih službenika i zaposlenika, a povećao broj policijskih službenika.

Što se tiče Zakona o policijskim službenicima BiH, on je trenutno u procesu javne rasprave, nakon čega će biti upućen Vijeću ministara BiH u daljnju proceduru. Analizom koja je

urađena s rukovodiocima drugih policijskih tijela u BiH i ministrom sigurnosti BiH utvrđeni su problemi i nedostaci u funkcioniranju policijskih agencija, koji bi s mogli prevazići izmjenama Zakona. Ono što treba istaći je to da je novim Zakonom o policijskim službenicima BiH predviđen eksterni premještaj policijskih službenika unutar policijskih agencija.

Kada je riječ o činovanju u ovoj policijskoj agenciji, istakli su da je zadnje 4 godine promaknuto 268 policijskih službenika. U čin glavnog inspektora promaknuto je 5 policijskih službenika (4 Bošnjaka i 1 Srbin).

Što se tiče nacionalne zastupljenosti svih konstitutivnih naroda u Državnoj agenciji za istrage i zaštitu, rukovodstvo je istaklo da su od 6 pomoćnika direktora u ovoj agenciji 4 Bošnjaka i 2 Srbina, policijskih službenika je 43,69% Bošnjaka, 37,07% Srba, 18,84% Hrvata i 0,40% ostalih, zaposlenih 39,86% Bošnjaka, 47,1% Srba, 12,32% Hrvata i 0,72% ostalih.

Također su istakli da je popunjenost policijskih službenika u ovoj agenciji 73%.

Mnogo toga je urađeno da se unaprijedi prije svega zakonitost i profesionalnost u radu ove agencije. Dobra saradnja je s drugim policijskim agencijama, a i veliki napredak je postignut i u odnosima u radu s Tužilaštvom BiH, koji je u proteklom periodu bio dosta narušen, kao i s kantonalnim tužilaštvima.

Članovi Nezavisnog odbora na kraju su naglasili da će Nezavisni odbor i dalje u okviru svojih nadležnosti pružati podršku radu Državne agencije za istrage i zaštitu, te im poželjeli mnogo uspjeha.

Sastanak je završen u 11,30 sati.

**PREDSJEDNICA  
NEZAVISNOG ODBORA**  
Tatjana Klječanin-Martić